

Siunnersuummut nassuiaatit

Nassuiaatit nalinginnaasut

1. Aallaqqaasiut

Allannguutissatut siunnersuut tapersiissutitalimmik inissialiortiternernut taarsigassarsititsisarneq pillugu Inatsisartut inatsisissaattut siunnersuummut atasutut isigineqassaaq.

Tapersiissutitalimmik inissialiortiternermut taarsigassarsititsisarneq pillugu Inatsisartut inatsisissaattut siunnersuuteqarnermi Namminersorlutik Oqartussat inissianut tapersiissutitalimmik taarsigassarsiaqarfiusunik, aamma inissianut maanna piginnittuusut taarsigassarsisoralugit inissianut tapersiissutitalimmik taarsigassarsiaqarfiusunik iluarsaassinissamut alliliinissamut pitsangorsaanermullu (iluarsaassinermut tapiissutit) tapiissuteqartarnermut inatsisitigut tunngavissat peerneqassapput.

Inissianik aningaasalersuisarnermut Inatsisartut inatsisaata allanngortinneqarnissaanik siunnersuut manna aqqutigalugu suliaasaq inatsisitigullu tunngaviusut kommunitut nuunneqassapput.

Kommunit 1. januar 2020 aallarnerfigalugu inissianut, inissianut tapersiissutitalimmik taarsigassarsiaqarfiusunut aamma inissianut maanna piginnittuusut taarsigassarsisoralugit inissianut tapersiissutitalimmik taarsigassarsiaqarfiusunut tapiissuteqarsinnaalissapput.

2. Siunnersuummi immikkoortut pingaarnerit

a) Inatsisit atuuttut

Illuliortiternernut aningaasalersuineq pillugu Inatsisartut inatsisaanni nr. 39, 23. November 2017-imeersumi kommunit inissianik sanaartornermut, iluarsaassinermut, alliliinermut pitsangorsaanermullu taarsigassarsititsinissamut piginnaatinneqarput. Tassani taamaallaat taarsigassarsititsisoqarsinnaavoq, aammalu kommunit inissianik sanaartornermut, iluarsaassinermut, alliliinermut pitsangorsaanermullu tapiissuteqarsinnaanngillat.

Illuliortiternernut aningaasalersuineq pillugu Inatsisartut inatsisaat naapertorlugu inissianut pioreersunut iluarsaassinissamut, pitsangorsaanissamut alliliinissamullu taarsigassarsititsisoqarsinnaavoq, tak. kapitali 3. Aningaasartuutit tamarmiusut 40 procentii tikillugit, taamaattorli annerpaamik 300.000 koruuninik taarsigassarsititsisoqarsinnaavoq. Inissiamik piginnittup nammineerluni aningaasartuutinit tamarmiusunit 60 procentit sinneruttut aningaasalersorsinnaassavai. Taarsigassarsiat erniaqassanngillat akilersugassaassanatillu aammalu piginnittut nikinneranni akiligassanngortinneqassapput.

Illuliortiternernut aningaasalersuineq pillugu Inatsisartut inatsisaat naapertorlugu inissianut pioreersunut, soraarninngornikut pigineqartunut taarsigassarsititsisoqarsinnaavoq, tak. kapitali 4.

300.000 koruunit tikillugit taarsigassarsititsisoqarsinnaavoq. Taarsigassarsiat erniaqassanngillat akilersugassaassanatillu aammalu piginnittut nikinneranni akiligassanngortinneqassapput.

Inissiaq pisortat tapersiisarnerat, tapiisarnerat aningaasalersuisarnerallu pillugu inatsit alla tunngavigalugu sananeqarpat, iluarsaanneqarpat, allilerneqarpat pitsanngorsarneqarpalluunniit, illuliortiternernut aningaasalersuineq pillugu Inatsisartut inatsisaat atorneqassanngilaq. Taamaattumik Inatsisartut inatsisaat inatsisinit allanit pingaarnerunngilaq.

b) Siunnersuut

Kapitali 1-imi §§ 1-3 atuuffissai allanngortinneqarput, taamaalillunilu illuliortiternernut aningaasalersuineq Inatsisartut inatsisaat malillugu aamma tapiissuteqartoqarsinnaavoq. Kisiannili § 1, imm. 3 allanngortinneqanngilaq, taamaattumillu inissianut tapersiissutitalimmik taarsigassarsiaqarfiusunut suli taarsigassarsititsisoqarsinnaanngilaq.

Nutaatut kapitali 4 a, §§ 24 a aamma 24 b, inissianut tapersiissutitalimmik taarsigassarsiaqarfiusunut, aamma inissianut maanna piginnittuusut taarsigassarsisoralugit inissianut tapersiissutitalimmik taarsigassarsiaqarfiusunut tapiissuteqartarnermut tunngasut ikkunneqarput.

§§ 24 a aamma § 24 b iluarsaassinermut tapiissutit, Inissialiornermut, illunut ataatsimoorussanut, illuliassanut il.il. tapersiissuteqartarneq pillugu Inatsisartut peqqussutaannit nr. 11, 19. november 2007-imeersumit §§ 45-46 assilisaapput, suliassap kommunimut nuunneqarnissaata kingunerisaanik aaqqissuussaananermikkut allannguuteqarlutik.

Siunnersuummi § 24 b, imm. 2-tut aalajangersagaq nutaaq ikkunneqarpoq, taannalu malillugu inissianut, sumiiffinni, nalinginnaasumik inissiaq qularnaveeqqusiullugu aningaaserivimmit imaluunniit realkreditimit taarsigassarsiviusinnaasuni inissisimasunut tapiissuteqartoqarsinnaanngilaq. Aalajangersakkami Inissialiornermut, illunut ataatsimoorussanut, illuliassanut il.il. tapersiissuteqartarneq pillugu Inatsisartut peqqussutaat nr. 11, 19. november 2007-imeersumi § 46-mut nassuiaatit tunngavigalugit maannamut suleriaasiusoq ingerlateqqinneqarpoq.

Siunnersuutip inatsimmut atuuttumut sanilliunneqarnera	
<i>Oqaasertaliusaaq atuuttoq</i>	<i>Siunnersuut</i>
	§ 1 Illuliortiternermut aningaasalersuisarneq pillugu Inatsisartut inatsisaanni nr. 39, 23. november 2017-imeersumi imatut allannguisoqarpoq:
§ 1. Inatsisartut inatsisaat una illunik sanaartornermut, iluarsaassinermut,	1. §§ 1-3 imatut oqaasertalerneqassapput: ” § 1. Inatsisartut inatsisaat una illunik sanaartornermut, iluarsaassinermut,

<p>allilerinermut pitsanngorsaaneremullu taarsigassarsinermut atornerqarpoq.</p> <p><i>Imm. 2.</i> Inissianut inuussutissarsiutinik ingerlatsiffigineqartussanut imaluunniit ingerlatsiviusunut taarsigassarsisitsisoqarsinnaangilaq. Taamaattorli inuussutissarsiutit annikinnerusut namminersorfiusut tassani pineqanngillat.</p> <p><i>Imm. 3.</i> Inissianik sanaartornermut, iluarsaassinermut, allilerinermut pitsanngorsaaneremullu pisortanit tapiiffigineqartut, tapiissutit imaluunniit aningaasalersuineq pillugu inatsisinut allanut ilaasunut inissianut taarsigassarsisitsisoqarsinnaangilaq.</p> <p>§ 2. Inissianik sanaartornermut, pitsanngorsaaneremut, iluarsaassinermut imaluunniit allilerinermut piffissami sanaartornermi pilersaarusionermilu inatsimmik atuuttumik naammassinnittumik sanaartornermut taamaallaat taarsigassarsisitsisoqarsinnaavoq.</p> <p>§ 3. Taarsigassarsisitsinissamut neriorsuummik tunniussisoqannginnerani sanaartornissamut pituttuisumik isumaqatigiissusiorfiusimanngitsunut imaluunniit sanaartornermi sulinernut aallartinneqarsimanngitsunut taamaallaat sanaartornermut taarsigassarsisitsisoqarsinnaavoq.</p>	<p>allilerinermut pitsanngorsaaneremullu taarsigassarsinermut tapiiffigitinneremullu atornerqarpoq.</p> <p><i>Imm. 2.</i> Inissianut inuussutissarsiutinik ingerlatsiffigineqartussanut imaluunniit ingerlatsiviusunut taarsigassarsisitsisoqarsinnaangilaq tapiiffigineqarsinnaanatillu. Taamaattorli inuussutissarsiutit annikinnerusut namminersorfiusut tassani pineqanngillat.</p> <p><i>Imm. 3.</i> Inissianik sanaartornermut, iluarsaassinermut, allilerinermut pitsanngorsaaneremullu pisortanit tapiiffigineqartut, tapiissutit imaluunniit aningaasalersuineq pillugu inatsisinut allanut ilaasunut inissianut taarsigassarsisitsisoqarsinnaangilaq.</p> <p>§ 2. Inissianik sanaartornermut, pitsanngorsaaneremut, iluarsaassinermut imaluunniit allilerinermut piffissami sanaartornermi pilersaarusionermilu inatsimmik atuuttumik naammassinnittumik sanaartornermut taamaallaat taarsigassarsisitsisoqarsinnaavoq tapiiffigineqarsinnaassallutilluunniit.</p> <p>§ 3. Taarsigassarsisitsinissamut neriorsuummik tunniussisoqannginnerani sanaartornissamut pituttuisumik isumaqatigiissusiorfiusimanngitsunut imaluunniit sanaartornermi sulinernut aallartinneqarsimanngitsunut taamaallaat sanaartornermut taarsigassarsisitsisoqarsinnaavoq tapiiffigineqarsinnaassallutilluunniit.”</p> <p>2. § 24-p kingorna <i>Kapitali 4 a</i> nutaaq ikkunneqassaaq:</p> <p style="text-align: center;">” Kapitali 4 a</p>
---	---

*Iluarsaassinernut, pitsanngorsaanernut
alliliinernulluunniit tapiissutit*

§ 24 a. Inissianut, inunnit ukiuni akileraarfiusuni kingullerni marlunni inoqutigiinni ukiumut 180.000 koruunit inorlugit isertitaqarsimasunit pigineqartunut, imaluunniit inunnit, ulloq manna tikillugu isertitarisimasaat apeqqutaatinnagit siunissami qanittumi inoqutigiinni ukiumut 180.000 koruunit inorlugit isertitaqartussatut naatsorsuutigineqartunit pigineqartunut annerpaamik 150.000 koruuninik inissiamik iluarsaassinernut, pitsanngorsaanernut imaluunniit alliliinernut kommunalbestyrelsi tapiissuteqarsinnaavoq.

Imm. 2. Taamaallaat inissiamut Namminersorlutik Oqartussanit taarsigassarsisoqarsimappat, imaluunniit maanna piginnittuusut taarsigassarsisuullutik Namminersorlutik Oqartussanit taarsigassarsisoqarsimappat kommunalbestyrelsi tapiissuteqarsinnaavoq.

Imm. 3. Meeqqanut angerlarsimaffimmi najugaqartunut, 18-it inorlugit ukioqartunut, najukkami inuit nalunaarsorsimaffianni nalunaarsorsimasunut, taamaattorli amerlanerpaamik meeqqanut arfinilinnut, isertitassanut killigititat meeqqamut ataatsimut 4.000 koruuninik qaffanneqartassapput.

§ 24 b. Piffissaq qinnuteqarfiusoq sioqqullugu qaammatit 60-it kingulliit ingerlanerini pisortat inissiamik iluarsaassinissamut, pitsanngorsaanissamut alliliinissamulluunniit tapiissuteqarsimappata, kommunalbestyrelsi tapiissuteqarsinnaanngilaq.

Imm. 2. Inissianut sumiiffinni, nalinginnaasumik inissiaq qularnaveeqqusiullugu aningaaserivimmit imaluunniit realkreditimit

	<p>taarsigassarsiviusinnaasuni inissisimasunut kommunalbestyrelsi tapiissuteqarsinnaangilaq.</p> <p><i>Imm. 3.</i> Kommunalbestyrelsip § 24 a naapertorlugu qinnuteqaammik naliliinermini uku eqqarsaatigineqassapput:</p> <ol style="list-style-type: none"> 1) iluarsaassinissap kissaatigisap annertussusissaa, 2) alliliinerup pitsanngorsaanerulluunniit qinnuteqartup pigisaanut nalilinnut aammalu nammineerluni suliaqarnissamut piginnaaneqarneranut sanilliunneqarnissaa, kiisalu 3) inissiap pisoqaassusia niuerutigineqarnermilu nalinga. <p><i>Imm. 4.</i> Naalakkersuisut inissiamik iluarsaassinermut, pitsanngorsaanerumut alliliinermulluunniit maleruagassiorsinnaapput, taakkununngalu aqutsineq, aningasat tunniunneqarnerat suliassallu tapiiffigineqarsinnaatitaasut ilaatinneqarput.”</p>
	<p style="text-align: center;">§ 2</p> <p>Inatsisartut inatsisaat 1. januar 2020-mi atuutilerpoq.</p>

3. Pisortat aningaasaqarnerannut allaffissornerannullu kingunerisassat

Siunnersuut pisortat aningaasaqarnerannut kinguneqartussat naatsorsuutigineqanngilaq.

Ukiuni arlalinni aningaasanut inatsimmi tapersiissutitalimmik inissialiortiternermut tapiissutissanik immikkoortitsisoqartarsimangilaq, aningaasanut inatsimmi kontomut pingaarnermut 87.72.23, Inissialiortiternermut tapersiissutit, iluarsaassinissamut tapiissutit aningaasaliissutaasartut eqqaassanngikkaanni. 2019-imut aningaasanut inatsimmi aammalu 2020-2022-mi ukiunut missingersuusiorfiusunut inissialiortiternermut tapiissuteqartarnermi iluarsaassinissamut tapiissutissatut 10 mio. koruunit immikkoortinneqarput.

Kontomi pingaarnermi 87.72.23 Inissialiortiternermut tapersiissutit, iluarsaassinissamut tapiissutit 2020-2022-mi ukiunut missingersuusiorfiusunut aningaasaliissutit kommuninut nuunneqassapput. Kommuninut agguaassinissaq Namminersorlutik Oqartussat kommuninut ataatsimoorussamik tapiissutissat pillugit isumaqatiginninniarnerninut ilaatinneqassaaq. Agguaassinermi ineqarnermut aningaasaliissutinik agguaassisarnermi tunngaviusut atorneqarnissaat naatsorsuutigineqarpoq.

4. Inuussutissarsiortut aningaasaqarnerinut allaffissornerinullu kingunerisassat

Siunnersuut inuussutissarsiortut aningaasaqarnerannut allaffissornerannullu kinguneqartussatut naatsorsuutigineqanngilaq.

5. Avatangiisinut, pinngortitamut inuillu peqqissusaannut kingunerisassat

Siunnersuut avatangiisinut, pinngortitamut inuilluunniit peqqissusaannut kinguneqartussatut naatsorsuutigineqanngilaq.

6. Innuttaasunut kingunerisassat

Siunnersuut innuttaasut aningaasaqarnerinut allaffissornerannulluunniit kinguneqartussatut naatsorsuutigineqanngilaq.

7. Kingunerisassat annertuut allat

Naliliineq malillugu siunnersuut annertuunik allanik kinguneqassanngilaq.

8. Pisortanut suliniaqatigiiffinnullu il.il. tusarniaaneq

Siunnersuut 26. aprili 2019 – 31. maaji 2019-imi tusarniaassutigineqarpoq, piffissamilu tassani www.naalakkersuisut.gl aqutigalugu tusarniaanernut iserfissiami tamanut ammasumik saqqumitinneqarsimalluni.

Siunnersuut tusarniaaviusunut ukununnga tusarniaassutigineqarpoq:

Naalakkersuisut Siulittaasuata Naalakkersuisoqarfia

Pinngortitamut, Avatangiisinut Ilisimatusarnermullu Naalakkersuisoqarfik

Aningaasaqarnermut Naalakkersuisoqarfik

Aatsitassarsiornermut Suliffeqarnermullu Naalakkersuisoqarfik

Aalisarnermut, Piniarnermut Nunalerinermullu Naalakkersuisoqarfik

Inuussitissarsiornermut Nukissiuuteqarnermullu Naalakkersuisoqarfik

Isumaginninnermut Inatsisinillu Atuutsitsinermit Naalakkersuisoqarfik

Peqqissutsimut Naalakkersuisoqarfik

Ilinniartitaanermut, Kultureqarnermut Ilageeqarnermullu Naalakkersuisoqarfik

Nunanut Allanut Naalakkersuisoqarfik

Avannaata Kommunia

Qeqqata Kommunia

Kommuneqarfik Sermersooq

Kommune Kujalleq

Kommune Qeqertalik
INI A/S
Iserit A/S
Mittarfeqarfiit
Nukissiorfiit
Asiaq
Kalaallit Forsikring
Illit Forsikring
Tryg
Grønlandsbanken A/S
Bank Nordik
KANUNUPE
Sulisitsisut (GE)
SIK (Sulinermik Inuussutissarsiuqartut Kattuffiat)
Peqqinnissaq Pillugu Kattuffiit (PPK)
Nunatsinni Perorsaasut Kattuffiat (NPK)
Atorfillit Kattuffiat (AK)
IMAK (Ilinniartitsisut Meeqqat Atuarfianeersut Kattuffiat)
Akademikernes Sammenslutning i Grønland (ASG)
Katuaq I/S
Kalaallit Nunaanni Rigsombudsmandeqarfik
Kalaallit Nunaanni Politimestereqarfik
Kalaallit Nunaanni Eqqartuussivik

Piffissap tusarniaaffiusup naanerani tusarniaaffiusunit ukunangga akissuteqaatinik tigusaqartoqarpoq, tusarniaanermi akissuteqaatinut oqaaseqaatit *uingasunnorlugit* allanneqarput:

IMAK, Sulisitsisut – Grønlads Erhverv, Kalaallit Nunaanni Politi, Kommune Qeqertalik, Ilinniartitaanermut, Kultureqarnermut Ilageeqarnermullu Naalackersuisoqarfik nalunaarput siunnersuummut oqaaseqaatissaqaratik.

Peqqissutsimut Naalackersuisoqarfiup tikkuarpaa inissiap iluarsaanneqarnera, allilerneqarnera pitsanngorsarneqarneralu innuttaasumut peqqissutsikkut annertuumik pingaaruteqarsinnaasoq. Naalackersuisoqarfiup tamanna tunngavigalugu siunnersuutigaa, inissiamik iluarsaassineq, allilerineq pitsanngorsaanerlu inissiami najugaqartunut peqqissutsikkut pingaaruteqartunik pitsanngorsaannissamik siunertaqassasoq, tunngavissarititaasutut ilaatinneqassasoq, aammalu pingaartumik ilaqtariit meerartallit salliutinneqarnissaat pingaartinneqassasoq. *Iluarsaassineq, allilerineq pitsanngorsaanerlu inatsit malillugu tunngavissarititaasunik naammasinnittunut tamaginnut periarfissaasariaqarpoq. Iluarsaassineq innuttaasumut pitsaasumik sunniuteqassappat, qinnuteqarnermut atatillugu tamanna tunngavissarititaassanngilaq.*

Peqqissutsimut Naalackersuisoqarfik tamatuma saniatigut isumaqarpoq, iluarsaassinnermut tapiissutit annerpaamik 150.000 koruuninik annertussuseqarpata, inissiami kalluarneqartumi niuerfimmi akigititaasoq allangortinneqarsinnaassasoq. Taamaattumik Naalackersuisoqarfik isumaqarpoq taamatut pisoqarnissaa sillimaffigineqassasoq.

Siunnersuummi § 24 b-imi allassimavoq, piffissaq qinnuteqarfissaq sioqqullugu kingusinnerpaamik qaammatit 60-it kingulliit iluanni inissiamik iluarsaassinissamut, allilerinissamut pitsangorsaannissamullu pisortat tapiissuteqarsimappata, tapiissuteqartoqarsinnaanngitsoq. Tassani nalinginnaasumik pineqarpoq inissiat aserfallassimanerat. Aammattaaq kommunalbestyrelsip qinnuteqaatinik nalilersuineri inissiap pisoqaassusaa aamma niuerfimmi nalinga, eqqarsaatigisussaavai.

Isumaginninnermut Inatsisinillu Atuutsitsinnermut Naalackersuisoqarfik iluarsaassinnermut tapiissutinik allaffissornikkut aqutsinerup nuutinneqarnissaanut neriulluarpoq. Taamaattoq nalinginnaasumik ”-sinnaavoq pillugu aalajangersakkt” atornerarnerannut apeqqusiivoq, tamannami kommunip aningaasanik allatut atuinissamik aalajangiinera pissutigalugu qinnuteqaatit iluatsilluartumik tunniussivigineqartarnerisa ikilinerannik kinguneqarsinnaammat.

”-sinnaavoq pillugu aalajangersakkt” atornerarneranni kommunalbestyrelsi qinnuteqaatinik nammineerluni nalilersuinissamut periarfissinneqarpoq.”-sussaavoq pillugu aalajangersakkanik” atuisoqassappat, qinnuteqartut tapiissutinik tunineqarnissamut inatsisitigut pisinnaatitaaffeqassagaluarput, tamannalu allaffissornikkut aqutsinerup nuutinneqarnerani siunertaanngilaq.

Isumaginninnermut Inatsisinillu Atuutsitsinnermut Naalackersuisoqarfiup tikkuarpaa siunnersuummi allaffissornermut aningaasartuutit arlallit qaffasinnerulernissaat naatsorsuutigineqartoq, tamannalu siunnersuummi allassimanngilaq.

Kontumi pingaarnermi 87.72.23 Inissialiortiternermut tapersiissutit, iluarsaassinissamut tapiissutit, aningaasaliissutit kommuninut nuunneqassapput.

Kommunit suliassaq tiguppasuk, siunnersuummi tunniussinnermut aaqqissuussinnermik assigisaanilluunniit pisoqassasoq, Isumaginninnermut Inatsisinillu Atuutsitsinnermut Naalackersuisoqarfiup tamatuma saniatigut kaammattuutigaa.

Oqaatigineqarsinnaavoq Ineqarnermut Attaveqaqatigiinnermullu Naalackersuisoqarfiup kommunini suliassanik sularinnittartunut workshop-inik ingerlatsinissaq pilersaarutigimmagu, ilaatigut ineqarnermut inatsisit iluanni suliassaqarfinnut tunniunneqareersimasunut tunngatillugu.

SIK-ip tikkuarpaa sumiiffinni realkredit-imit taarsigassarsiviusinnaasuni, illunut inissialiortiternermut tapersiivigineqarsimasunut taarsigassarsititsisoqarsinnaanngitsoq. SIK isumaqarpoq, nammineerluni ileqqaagaqaqqaanngikkaanni aningaaserivimmi taarsigassarsinissaq periarfissaanngippat, ilaasortamik periarfissaat ullumikkornit ajornerulertussaasut.

Nammineq inissiamik pisinissamut aningaasanik taarsigassarsinissamut assigiinngitsunik periarfissaqarpoq, tamatumani innuttaasut ataasiakkaat aningaasaqarnikkut inissisimanagerat kiisalu nunami sumiiffimmi inissisimaneq apequtaapput. Innuttaasut assigiinngitsuni inissisimaffeqartut isiginiarnissaannut assigiinngitsunik periarfissaqarnissaa pingartinneqarpoq.

Kommuninut akisussaaffiup tunniunneqarnissaa SIK-ip aarleqqutigaa; aningaasat immikkoortinneqartut siunertamut atorneqarnissaat qanoq qulakkeerneqassava?
Kommunit suliassanik sularinninnerup ilusaani Namminersolutik Oqartussani ingerlasimasumi paasisaqarnissamut periarfissaqarput, taamaalillutillu suliassaq tunniunneqarpat suliassanik sularinninnerup ilusaanik sunniinissamut aamma periarfissaqarlutik.

Kommunini avissaarsimaneq pisinnaasoq annertuneruleriaannaasoq SIK-p aarleqqutigaa. Tassa imaappoq kommunit annikitsunik missingersuuteqartut, taarsigassarsititsinissamut periarfissaat suli ajornakusoornerulertussaapput, kommunit atugarissaartut suli atugarissaarnerulertussaallutik.
Kommunit aningaasanut kommuninut nuunneqartunut tunngatillugu pingaarnersiutinissamut nammineerlutik aalajangiisinnaatitaapput.

SIK-ip siunnersuut ilusimisut iluseqarluni itigartinneqassasoq inassutigaa.
Tusaatissatut tiguneqarpoq.

Siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut

§§ 1-3 allangortinneqarnissaat siunnersuutigineqarpoq, taamaalilluni inissianut aningaasalersuisarneq pillugu Inatsisartut inatsisaata atuuffia taarsigassarsianut tapiissutinullu tunngalissalluni. Inissianut aningaasalersuisarneq pillugu Inatsisartut inatsisaanni atuuttumi taamaallaat inissianik sanaartornermut, iluarsaassinermut, alliliinermut pitsanngorsaanermullu taarsigassarsititsisarneq pineqarpoq.

Siunnersuummi kapitali 4 a-imi nutaami, inissianut tapersiissutitalimmik taarsigassarsiaqarfiusunut, aamma inissianut maanna piginnittuusut taarsigassarsisorlugit inissianut tapersiissutitalimmik taarsigassarsiaqarfiusunut tapiisarnermut aalajangersakkat naapertorlugit tapiisoqarsinnaavoq.

Siunnersuummi § 1, imm. 3-mi maanna oqaasertaliussanut atuuttunut naleqqiullugu allanguisoqanngilaq. Taamaattumik suli inissianut tapersiissutitalimmik taarsigassarsiaqarfiusunut taarsigassarsititsisoqarsinnaanngilaq.

Nr. 2-mut.

§ 24 a-mut

Siunnersuummi § 24 a aqqissuussaanikkut allanguuteqartinneqarluni inissialiornermut, illunut ataatsimoorussanut, illuliassanut il.il. tapersiissuteqartarneq pillugu Inatsisartut peqqussutaanni nr. 11, 19. november 2007-imeersumi § 45 assingaa.

Imm. 1-imut

Aalajangersakkap atuutilerneratigut kommunalbestyrelsi inissianut, inunnit ukiuni akileraarfiusuni kingullerni marlunni inunnut ukiumut 180.000 koruunit inorlugit isertitaqarsimasunit pigineqartunut annerpaamik 150.000 koruuninik inissiamik iluarsaassinermut, pitsanngorsaanermut imaluunniit alliliinermut tapiissuteqarsinnaalissaaq.

Aqqissuussinerup aamma siunissamut atorsinnaanissaa qulakkeerniarlugu kommunalbestyrelsi inissianut, inunnit, ulloq manna tikillugu isertitarisimasaat apeqqutaatinnagit siunissami qanittumi inoqutigiinni ukiumut 180.000 koruunit inorlugit isertitaqartussatut naatsorsuutigineqartunit pigineqartunut annerpaamik 150.000 koruuninik inissiamik iluarsaassinermut, pitsanngorsaanermut imaluunniit alliliinermut kommunalbestyrelsi tapiissuteqarsinnaalissaaq.

Siunissami qaninnermi inuup inoqutigiinni isertitaasa ukiumut 180.000 koruunit inorlugit amerlassuseqalernerinik kinguneqartumik pisoqareersimanissaa eqqarsaatigineqarpoq.

Assersuutigalugu taarsigassarsisoq siusinaartumik soraarnerussutisiaqalernissaa utoqqalinersiuteqalernissaaluunniit aalajangerneqarsinnaavoq, taarsigassarsisup aappani

inooqatiniluunniit annaasimasinnaavaa, taamaattumillu taarsigassarsisup inoqutaani isertitat akileraarutaasussat siornatigumut naleqqiullutik ataasartussamik annikillissussat naatsorsuutigineqarsinnaavoq.

Imm. 2-mut

Tapiissuteqartoqassappat inissiap Namminersorlutik Oqartussanit maanna piginnittuusut taarsigassarsisuullutik Namminersorlutik Oqartussanit taarsigassarsiaqarfiunissaa piumasarineqarpoq. Akissaatikitsut aamma inissianik pigisaminnik aserfallatsaaliuinissamut periarfissaqarnissaasa, kiisalu inissianik pigisaminnik alliliinissamut periarfissaqarnissaasa qulakkeernejarnissaa aalajangersakkami siunertarineqarpoq.

Inissiat Namminersorlutik Oqartussanit taarsigassarsiaqarfiujunnaarsimasut, aammalu Namminersorlutik Oqartussanit taarsigassarsiaqarfiunnginnerminni niuerutigineqarsimasut aqqissuussinerup avataaniipput.

Imm. 3-mut

Aalajangersagaq malillugu meeqqanut angerlarsimaffimmi najugaqartunut, 18-it inorlugit ukioqartunut, najukkami inuit nalunaarsorsimaffianni nalunaarsorsimasunut isertitanut killigitat meeqqamut ataatsimut 4.000 koruuninik qaffanneqartassapput. Taamaattorli meeqqat amerlanerpaamik arfiniliussapput. Tassalu isertitanut killiliussat annerpaamik 24.000 koruuninik qaffanneqarsinnaapput.

§ 24 b-mut

Imm. 1-imut

Ataasiarluni arlaleriarluniluunniit pisortaniit tapiisoqareersimatillugu, tapiiffigineqarnissamik qinnuteqarnissamut periarfissani piffissamut killiliussat aalajangersakkami aalajangersarneqarput. Piffissaq qinnuteqarfiusoq tassaavoq piffissaq qinnuteqaatip kommunalbestyrelsimit tiguneqarfia nalunaarsorneqarneralu.

Imm. 2-mut

Aalajangersakkami Inissialiornermut, illunut ataatsimoorussanut, illuliassanut il.il. tapersiissuteqartarnej pillugu Inatsisartut peqqussutaanni nr. 11, 19. november 2007-imeersumi § 46-mut nassuiaatit tunngavigalugit maannamut suleriaasiusimasut ingerlateqqinneqarput.

Inissianut, sumiiffinni nalinginnaasumik inissiaq qularnaveeqqusiullugu aningaaserivimmit imaluunniit realkreditimit taarsigassarsiviusinnaasuni inissisimasunut tapiisoqarsinnaanngilaq. Kommunit nalinginnaasumik inissiat sumiiffinni pineqartuni inissisimasut aningaaserivimmit imaluunniit realkreditimit taarsigassarsititsivigineqarnissaannut periarfissaqarnersut pillugu Grønlandsbanken A/S-imut aamma Bank Nordik A/S-imut oqaaseqartitsissaaq.

Inissiat assersuutigalugu illoqarfinni anginerusuniittut, Namminersorlutik Oqartussanit taarsigassarsiviusimasut amerlanertigut Namminersorlutik Oqartussanit taarsigassarsiat

akilerneqarsimappata, nalingini atorneqarsinnaasut taarsigassarsinermilu qularnaveequtigineqarsinnaasut annertusarnerat tamatumunnga peqqutaavoq. Tassalu inissianik Namminersorlutik Oqartussanit taarsigassarsiviusimasunik piginnittut tamarmik kommunalbestyrelsimit tapiiffigineqassagunik inoqutigiinni isertitat 180.000 korduunit inorlugit amerlassuseqarnissaat imaluunniit amerlassuseqalersinnaanissaat naatsorsuutigineqanngilaq.

Imm. 3-mut

Aalajangersakkami kommunalbestyrelsip tapiiffigineqarnissamik qinnuteqaatinik naliliisarnerannut piumasagaatit aalajangersarneqarput. Iluarsaassinissamut atortunik il.il. pisinermut, kiisalu sanasunut aningaasartuutitut tapiisoqarsinnaavoq. Sanasunut aningaasartuutitut tapiisoqassanersoq pillugu naliliinermi qinnuteqartoq nammineerluni iluarsaassinissamut nukissaqarnersoq pingaartinneqassaaq. Assersuutigalugu qinnuteqartut sanasutut sulisuuppat, taamaallaat iluarsaassinermi qaqutigoortumik avataaniit sanasumik ikiorneqarnermut tapiisoqarsinnaasariaqarpoq. Kisiannili qinnuteqartoq pensionistiuppat, aammalu nammineerluni iluarsaassinissamut nukissaqanngippat, pingaarnertut iluarsaassinermi sanasunut aningaasartuutitut tapiisoqarsinnaavoq.

Imm. 4-mut

Aalajangersagaq Naalakkersuisunut piginnaatitsissutaavoq. Suliassat suut tapiiffigineqarsinnaanerannut tunngatillugu, pingaartumik suliassat, inissiap pitsaassusianik atatitsiinnartussat aammalu illup maanna pitsaassusianut atorsinnaassusianullu naleqquttut eqqarsaatigineqarput.

§ 2-mut

Inatsisartut inatsisaata 1. januar 2020-mi tapersiissutitalimmik inissialiortiternermut taarsigassarsititsisarneq pillugu inatsisartut inatsisissaattut siunnersuummut peqatigitillugu atuutlernissaa siunnersuutigineqarpoq.